

L I T E R A E
S.^{MI} D. N. D. S I X T I
P A P A E V.


De Visitandis Liminibus
Apostolorum.



R O M A E;

Apud Hæredes Antonij Bladi Impressorès Camerales.

M. D. L X X X V I.



siue Episcopos, siue alios, qui ab eis mittentur, fidos habebunt nuncios, ac relatores, quorum opera, ab eadem sede pro illorum Dominis, Ditionibus, & rebus firmandis, ac stabilendis, & cum Dei, & Sanctæ Religionis causa, sine qua tuto consistere haud possunt, coniungendis, opportuna sinceræ charitatis officia, consilia, atque subsidia expectare certo poterunt. Ad hoc autem debitum Visitationis officium commodè explendum supradicti omnes Patriarchæ, Primate, Archiepiscopi, & Episcopi Itali videlicet, vel ex Italicis Insulis, vnde in Italiam commodius trajici potest veluti Siculi, Sardi, Corsi, & alij adiacentium Prouinciarum Italiae, ac etiam Dalmatiæ, & Græcarum, quæ è regione ipsis Italiae, & Siciliae oris sunt, tertio anno, Germani vero, Galli, Hispani, Belgæ, Bohemi, Vngari, Poloni, Angli, Scoti, Iberni, & cæteri omnes, qui in Europa citra mare Germanicum, & Balticum, ac omnium insularum Maris Mediterranei, quarto anno, & qui intra Europæ fines sunt, his Prouincijs remotiores, ac etiam Africani litoribus nostris aduersi, ac Insularum Maris Oceani Septentrionalis, & Occidentalis Europæ, & Africae citra continentem noui Orbis, tam qui nunc sunt, quàm qui ad Catholicam fidem per misericordiam Dei aliquando redierint, quinto anno. Asiatici vero, & qui extra Asiam, & in alijs nouis terris Orientalibus, Meridionalibus, Occidentalibus, & Septentrionalibus tam in Insulis, quàm in Continentibus, & denique in quibuslibet Mundi partibus decimo anno iter suscipiant, & Deo concedente perficiant, idemque institutum tertio quoque, quarto, & decimo anno repetant, & obseruent. Hæc autem annorum spatia à tempore suscepti muneris consecrationis, vel Pallij traditionis, aut translationis, vt præfertur, incipient. Quæ non longius differat, Volumus quòd tempus quaecumque excursum alicui ex supradictis Præsulibus, qui siue morte preuentus, siue alia quacumque de causa ob non finitum tempus ei præscriptum, dicta limina non visitauerit, ita illius successori effluxisse, & excursisse intelligatur, vt termino ipso iuxta Predecessoris sui iusurandum completo debitam tunc visitationem quamprimum conficere teneatur. Hi vero ex supradictis Antistitibus, qui hæctenus ab hac Sancta Sede ordinati sunt, aut dictum Pallium ab ea susceperunt, aut ad aliam Ecclesiam translati sunt, prout cuique distantia locorum, & temporum interualla præscripta sunt, ad supradicta omnia obseruanda à die publicationis præsentis constitutionis omninò teneantur. Iubemus igitur in virtute sanctæ obedientiæ supradictis omnibus Antistitibus præsentibus, & futuris, vt visitationem prædictam sibi, suisque Ecclesijs adeo vtilem, ac necessariam iuxta præscriptam formulam omninò conficiant. Si vero, quod absit, non egerint, eos ab ingressu Ecclesiæ, ac etiam ab administratione tam spiritualium, quàm temporalium, quàm perceptione fructuum suarum Ecclesiarum, à Capitulis eorum omni exceptione, & mora cessante, interim liberè exigendorum, & in opus fabricæ, seu ornamentorum Ecclesiæ emptionem, prout maior exegerit necessitas, infumendorum, ipso facto tam diù suspensos esse volumus, donec à contumacia respiscētes relaxationem suspensionis huiusmodi à sede prædicta meruerint obtinere. Non obstantibus priuilegijs, absolutionibus, Indulgentijs, & alijs confessionibus de non visitandis liminibus eiusmodi quibuscumque Ecclesiarum Prælati, & per quoscumque Rom. Pont. ac etiam nos, & dictam sedem ex quibusuis causis perpetuò vel ad tempus concessis, extensis, & innouatis, quæ omnia contra præsentia quicquam nolumus suffragari, alijsque contrarijs quibuscumque. Cæterum nos saluti, & conscientiæ securitati eorum Præsulum, qui ad huiusmodi visitationem obligati, eam contra iusurandum hucusque distulerunt, consulere volentes, eos singulos à periurij reatu, & à Canonicijs Apostolicisque omnibus sententijs, quas propterea incurrerunt, auctoritate præsentium absoluimus, quos tamen pro excessu huiusmodi cleomeosynam quantam & cui, vel quibus eorum Confessarius statuerit applicandam, volumus erogare. Quia vero distictè nimis esset præsentis literas quocumque illis opus erit, perferri, Volumus quoque, vt earum exemplis etiam impressis manu Notarij publici, & sigillo personæ in dignitate Ecclesiastica constitutæ obfignatis, eadem prorsus adhibeatur fides, quæ ipsidem præsentibus, etiam in dicto Quinterno describendis haberetur, si essent exhibitæ, vel ostensæ. Nulli ergo omninò hominum liceat hanc paginam nostræ sanctionis, decreti, mandati, iussionis, absolutionis, & voluntatum infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri, & Pauli Apostolorum eius se noverit incursum. Datum Romæ Apud Sanctum Petrum, Anno Incarnationis Dominicæ 1585. 13. Calend. Ianuarij, Pontificatus Nostri Anno Primo.

H. Prodat.

Jo. Baptista Canobius.

C. Robert.

Anno à Natiuitate Domini Millesimo quingentesimo octuagesimo quinto, Indictione decimatercia, die vero vigesima Mensis Decembris, Pontificatus Sanctiss. D. N. D. Sixti Diuina Prouidentia Papæ V. Anno I. Rescriptæ literæ affixæ, & publicatæ fuerunt in valuis seu portis S. Ioannis Lateranensis, & S. Petri Principis Apostolorum de Vrbe, necnon Cancellariæ Apostolicæ, & in acie Campi Floræ, & per aliquod temporis spatium dimissæ, per nos Ioannem Freile, & Nicolaum Tagliettum S. D. N. Papæ Curiores.

Alex. Parabiacus Mag. Curs.